

## 2º ESO

### EXERCICIOS RESOLTOS-7ª SEMANA DO 5 AO 8 DE MAIO

#### 1ª SESIÓN:

Esperamos fixerades con moita atención a tarefa da primeira sesión semanal e que os vosos exercicios estean revisados e corrixidos.

#### 2ª SESIÓN:

1. **Relaciona cada palabra co número da imaxe que lle corresponde. Busca no dicionario o significado das palabras que descoñezas.**

ESCENARIO: 6

BAMBOLINA: 4

PANO: 10

ANFITEATRO: 5

FOSO: 2

GALIÑEIRO/POLEIRO: 8

ORQUESTRA: 7

CUNCHA: 3

PATIO DE BUTACAS: 1

TREMOIA: 9

- **Escenario:** Parte do teatro onde se fan as representacións.
- **Pano:** Cortina que nun teatro separa o escenario dos espectadores.
- **Foso:** Parte situada debaixo do escenario dos teatros onde se coloca a orquestra.
- **Orquestra:** Lugar afundido do teatro, entre a escena e o público, onde se sitúan os músicos.
- **Patio de butacas:** Nun teatro ou cine, planta baixa fronte ao escenario, onde están as butacas.
- **Bambolina:** Cada unha das pezas que constitúen a decoración superior dun escenario teatral e que consiste en teas ou papeis pintados.
- **Anfiteatro:** Parte da sala de certos locais con chanzos ou asentos colocados a distintos niveis e dispostos de maneira semicircular.
- **Galiñeiro** ou **poleiro:** Parte máis elevada dun cine, teatro etc., onde se atopan as localidades máis baratas.
- **Cuncha:** Especie de moble cóncavo que se coloca no medio do escenario dos teatros para ocultar o apuntador e proxectar a voz deste cara aos actores.
- **Tremoia:** Conxunto de mecanismos que se utilizan no teatro para producir certos efectos especiais na representación dunha obra teatral.

2. **Relaciona os xéneros teatrais e cinematográficos coas súas definicións.**

**1. Acción:** Xénero no que prima a espectacularidade das imaxes por medio de efectos especiais e de elementos frecuentes como persecucións, tiroteos, pelexas, explosións, roubos e asaltos.

- 2. Drama:** Xénero que expón conflitos entre os personaxes, o que provoca unha resposta emotiva no público.
- 3. Ciencia-ficción:** Xénero baseado nos efectos de hipotéticos avances científicos e tecnolóxicos, presentes ou futuros, sobre a sociedade ou os individuos.
- 4. Comedia:** Caracterízase por presentar un ton optimista, cun final feliz e, sobre todo, por ter elementos de humor ou de ironía.
- 5. Ópera:** Drama musical profano para ser escenificado.
- 6. Terror:** Xénero que provoca sensacións de pavor, medo, repugnancia, horror, incomodidade ou preocupación. Os argumentos adoitan desenvolver a súbita intrusión nun ámbito de normalidade dalgunha forza, evento ou personaxe de natureza maligna, a miúdo de orixe criminal ou sobrenatural.
- 7. Traxedia:** Obra de estilo elevado que representa unha acción seria e grave entre personaxes importantes, e na que o personaxe protagonista está dominado por unha paixón ou fado que o leva á catástrofe.
- 8. Suspense:** Historia de intriga caracterizada por un ritmo rápido, acción, heroes e malvados poderosos.

**3. Le esta información sobre a película *Crebinsky* e despois indica o significado de cada un dos termos do texto que van no cadro da marxe.**

- **Sinopse:** Resumo do argumento dunha obra audiovisual que pretende presentar a idea global previamente á elaboración dun guión detallado.
- **Elenco:** Conxunto de actores que integran unha compañía ou que participan nun espectáculo teatral, cinematográfico etc.
- **Vestuario:** Conxunto de pezas de vestir usadas por unha persoa ou grupo de persoas, en especial os artistas.
- **Maquillaxe:** Conxunto de produtos que se aplican no rostro de alguén para modificar o seu aspecto.
- **Peiteado:** Forma en que vai amañado o cabelo dunha persoa.
- **Son:** Sensacións percibidas polo oído nunha película.
- **Orzamento:** Cálculo anticipado do custo dunha obra ou dun servizo.
- **Subvención:** Axuda económica que unha institución oficial ou privada concede a un individuo ou entidade particular.
- **Palmarés:** Relación dos feitos meritorios dunha película, neste caso, premios acadados polo filme *Crebinsky*.

**4. Elabora ti unha sinopse da última película que viches ou dunha das túas películas favoritas.**

Encántannos sinopse das vosas películas favoritas e aínda estamos esperando máis. Tedes ata o luns 11 para mandalas!!!!